



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 27. De effectibus interdicti, ac specialiter de primo, qui est priuatio
vsus Sacramentorum,

[urn:nbn:de:hbz:466:1-78477](#)

incerta, in his nihil operaretur, prout nota Suarez in sequenti sect. 4. sub initium.

Statuitur deinde, cum ob contumaciam interdictum feratur, non item tam in nudam poenam, esse illi praemittendam trinam monitionem, iuxta Cap. Reprehensibilis, De appellationibus, & scriptis Reo tradendam sententiam exposita causa propter quam afficiatur tali poena, iuxta Cap. Cum Medicinalis, De senten. excommunic. in 6. Aduerte vero obiter, ut ciuitas obligetur ad observationem interdicti, sufficere ut ipsum sit promulgatum in p[ri]ncipalitate Ecclesie, immo ut sciatur vicinos, & maxime Ecclesiam metropolitana illud seruare, ex Cap. 1. §. Verum, De postulatione Praetorium. De fine interdicti nihil aliud dicendum est; quam scutiarum censuram, esse correctionem fidelium, ut scilicet si resipiscant tali poena moti, vel certe puniantur in aliorum exemplum.

CAPUT XXVII.

De effectibus interdicti, ac specialiter de primo, qui est priuatio usus Sacramentorum.

SUMMARIUM.

22. *Tria capita ad que reuocantur effectus interdicti.*
23. *Baptismi usus quatenus permisus tempore interdicti.*
24. *Permissus est usus Sacramentorum Confirmationis ac P[re]uentientiae, & qualiter.*
25. *Observanda pro praxi circa permissionem usus Sacramentorum tempore interdicti.*
26. *Quatenus eodem tempore permisus sit Eucharistia usus.*
27. *U[er]sus conferendi Extremam uunctionem, aut Sacramentum Ordinis, non est permisus tempore interdicti.*
28. *Matrimonium valide quidem contrahitur tempore interdicti, non tamen licite.*
29. *Interdictum non obstat quin sponsalia contrahiri possint: & quando obstat benedictioni nuptiali.*

DE effectu interdicti late Suarez tomo 5. in 3. partem disput. 33. & duabus sequentibus, cuius tanquam Doctoris recentioris eruditus & diligenter vestigia se stabimur, duabus præmissis in genere. Prius est, effectus omnes interdicti ferri ad tres antea cap. 25. expressos in illius definitione, qui sunt priuatio usus quorumdam Sacramentorum: priuatio usus officiorum diuinorum, ac priuatio usus sepulturæ Ecclesiastice. Posterior est, quod idem Suarez ibidem notat: effectus communes esse proportionaliter omni interdicto, tam personali, quam locali, & utriusque tam generali, quam particulari. Aduerte vero eos non esse connexos in interdicto ipso, sicut in excommunicatione: ideoque, licet Episcopus excommunicationem ferens, nequeat eam limitare ad aliquem eius effectum, nec ad alium extendere, tamen imponens interdictum, potest illud ad aliquos effectus eius limitare, nec ad alios extendere. Ita docet Henriquez lib. 13. cap. 2. §. 3. bene addens aliam rationem esse de Papa, qui de plenitudine potestatis, id ipsum perinde potest circa effectus excommunicationis, ac circa effectus interdicti, quia differentia solum est ex communi Ecclesiæ statuto, quod non ligat Papam, sicut Episcopum. Iam de iis quæ propria sunt, dicere aggrediamur, a notando ea quæ propriæ digna sunt obseruatione.

PRIMUM EST. In loco interdicto, siue interdictum generale sit, siue speciale (prout ex Calderino habet Nauarr. in Enchir. cap. 27. n. 178. permitti Baptismum pro parvulis, ex Cap. Non est vobis, De sponsalibus, & ex Cap. Responso, De senten. excommunic. atque permitti absolute cum sacramentalibus, qualia sunt inquit Nauarr. ibidem, Catechismus. Exorcismus, U[er]atio olei, &c. ad eum ordinatis. Idque non tantum in Baptismo parvulorum, sed etiam adulorum, quando periculum mortis non patitur dilatione Baptismi in aliud locum, vel aliud tempus, iuxta Cap. Quoniam, De senten. excommunic. in 6. De quo Suarez in cito-

ta disput. 33. sect. 1. num. 2. citans Sylvestrum, Nauarrum, & Couar. Addensque in sequent. num. 3. id locum habere, etiam si interdictum sit particolare loci. Pro quo facit quod in illo Cap. Quoniam, absolute dicatur, tempore interdicti licet esse ministeriale illud, Sacramentum, neque distinguatur de interdicto particulari, aut generali. Et ita Parochus cuius Parochia particulariter supposita est interdicto, non tenetur aliam propinquam adire, ubi parvulum in illa sua natum baptizet cum solemnitate.

Addit idem consequenter, quod dicitur interdictum loci non obstat quin parvulus possit solemniter baptizari; similiter dici posse respectu interdicti personalis, quando persona ei subiicitur, non ob suum, sed ob alienum delictum, perinde nemirum ac locus folet. Et certe conueniens est, ut sicut Baptismus ob necessitatem ipsius permititur administrari in loco interdicto; pari ratione permittatur administrari à persona interdicta, absque ylla sua culpa. Atque vt ad eiusdem Sacramenti reuerentiam spectat dum solemniter administratur, id fieri in loco sacro (quod præcipitur in Clement. vnicâ de Baptismo) sic etiam spectet, idem fieri à persona sacra, adeo ut necesse non sit Parochum cum ceteris de Parochia interdictum ob delictum Domini loci, aduocare vicinum Parochum pro baptizando in eadem Parochia parvulo. Quod si interdictus esset ob delictum proprium (vt fit per personale interdictum particolare, aut per generale locale, vel personale cui causam dederit) non posset baptizare nisi in necessitate, & absque solemnitate, propter culpam suam propriam sustinens prænam interdicti tanquam reus ea affectus.

SECUNDUM EST. Idem in hac re dicendum esse de usu Confirmationis, siue auctio eam administrantis, siue passiuo eam recipientis, ac dictum est de usu Baptismi. Ius enim de vitroque pariter statuit, vt patet ex cap. Responso, De senten. excommunic. & ex cap. Quoniam, eodem tit. in 6. Ratio vero esse potest, quod Confirmationis sit veluti complementum quoddam statutus hominis Christiani, cuius profilio est Baptismus. Istud plenius tractatum habet Suarez in citata sectione 1. §. De Confirmatione: simul docens quod in hac re dicitur de ministracione Confirmationis, dicendum esse pariter de confectione Christmatis. Pro quo facit citatum Cap. Quoniam, vt hæc illi æquiparatur respectu interdicti.

TERTIVM EST. Tempore interdicti ita permisum esse usum Sacramenti Pœnitentiae, vt hoc administrari possit peccatoribus, tam sanis, quam infirmis, siue interdictum sit a iure, siue ab homine. Pro quo textus est expressus in Cap. Alma mater, De senten. excommunic. in 6. §. Quia vero: addita duplice limitatione illius in sequenti paragraphe, quarum prior est, dummodo is qui ad talis Sacramentum admitti vult, impedimentum non habet excommunicationis. Nam ciuiusmodi, nisi versentur in mortis periculo, admitti prohibentur. Posterior limitatione est, dummodo is qui admitti petunt, non sint illi ob quorum culpam, dolum, aut fraudem latum est intendit: aut qui ipsi in talis delicti perpetratione consilium, vel auxilium dederint. De quibus utrisque ibidem Pontifex decernit, non est aliquatenus concedendum tantum beneficium, nisi prius satisficerint, vel de faciendo idoneam cautionem dederint: aut si nequeant hæc præstare, surauginent le quantum poterunt, daturos operam fideleriter, vt siue per se, siue per alios, à quibus fieri debet, talis satisfactione faciat.

Obseruanda sunt autem quæ Suarez in memorata secc. 1. §. De sacramento Pœnitentiae attingit. Primum est, limitationem illam priori esse intelligendam de excommunicatione, prout in foro externo ab solutio eius, siue si, siue non sit reservata, datur cum solemnitate præscripta in Cap. A nobis 2. §. penult. De senten. excommunic. Nam cum iuxta Cap. Nuper, eodem titulo, in usu fori interni comites sint potestas absoluendi à mortali, & potestas absoluendi ab excommunicatione non reservata; absoluendi ab ipsa excommunicatione non reservata, censenda est tempore interdicti permitti in foro interno, perinde ac permitting ab solutio à peccatis.

Secundum est, ex posteriori limitatione colligi aperte, eum qui ligatus est particuliari interdicto personali non pos-

se recipere Sacramentum Poenitentiae; quandoquidem eiusmodi interdictum nunquam fertur nisi ob propriam culpam illius in quem fertur. Tertium est, eadem ratione qua dictum est ante, Baptismū permitti in loco interdicto, ne per generale interdictum personale impediti illius administrationem in eo, qui non dederit causam eidem interdicto; dicendum pariter est, Poenitentia Sacramentum in tallo loco posse administrari à persona generali interdicto ligata, non ob suum, sed ob alienum delictum: non vero à persona ligata speciali interdicto personali, adeoque ob propriam culpam. Nam talis cum denunciatus fuerit, non potest ingerere se proposita administrationi; potest autem ab Ecclesia toleratus: perinde ac de excommunicato, *iuxta prius legum Concilij Constantiensis*, tradidimus in 1. libro cap. 9. sect. posteriori; quæcumque sive scilicet.

26. **QUARTVM EST;** tempore interdicti ob periculum mortis notabile, permisum est: Sacrosanctæ Eucharistie vsum per modum viatici, iuxta illud in Cap. Quod in te, De poenit. & remiss. in illo verbo, Per quod morientibus poenitentiam non negamus, viaticum etiam quod vera poenitentibus exhibetur, intelligi volumus, ut nec ipsum deceperimus denegetur. Vbi nota primo esse perinde siue periculum si mortis naturalis, siue violentæ, ut sufficiendi extremo supplicio, vel sufficiens longum & periculosum iter. Nota 2. vt qui caufam dedit interdictio, capax sit susceptionis viatici, perinde ac vt sit capax absolutionis sacramentalis, debere antea satisfaciere, si possit: aut si non possit, dare cautionem, quallem per Cap. Alma mater, De sentent. excommunic. in 6. exigunt ante notatum est pro furtum cum ipsi Eucharistie sumptioni, conscientia sibi peccati mortalis (vt censendum est quod particulariter ob propriam culpam suppositionis est interdictio) præmittere debeat confessionem sacramentalis, ex definitione Concilij Tridentini, lccc. 23. cap. 7. Nota 3. de eo qui in particulari interdictus est personaliter, idem est dicendum quoad administrationem, ac dictum est paulo ante quoad administrationem Sacramenti Poenitentiae. Nota 4. in delatione viatici ad domum agroti non esse prohibitam solemnitatem per quam excitatur populus ad illud comitantur & concordantem ad illius venerationem. De his Suarez in eadem citata sect. 1. n. 5. De Eucharistia.

In sequenti §. subiungens, ex vi interdicti, extra mortis periculum non esse permisam Eucharistie administrationem. Quid probat, quia omne interdictum prohibet Sacramentorum vsum, nisi sit eorum Sacramentorum, quae iure excipiuntur. At Eucharistia non est excepta, nisi vt vespurpatur per modum viatici, aut in Missa celebratione quæ sine vso Eucharisticæ perficitur. Et certe supra citata verba ex Cap. Quod in te, De poenit. & remiss. satis ostendunt non, vt qui quis, etiam sanus, ad Poenitentia Sacramentum admittitur respondeat interdicti, *iuxta Cap. Alma mater*, §. Quia vero De sentent. excommunic. in 6. sic etiam quemvis ad Eucharistia sumptionem esse admittendum, sed solum verantem in mortis periculo; aut habentem ad id speciale præiugium; aut si interdictum sit tantum locale: cui si quis non dederit causam, non proficitur communicare in loco non interdicto; scilicet si fuerit interdictum personale (etiam generale cui causa non dederit) quia interdicti personalis ea vis est, vt personam (sicut interdicti localis, vt locu) extorri vso Sacramentorum edat extra casus iure, aut præiugio permisso. De qua re Suarez loco cit. n. 32. & textus sat sapienter habetur in Cap. Si sententia, De sentent. excommunic. in 6.

27. **QVINTVM EST;** non esse permisum tempore interdicti vsum Extremæunctionis, haberet ex Cap. Quod in te, De poenit. & remiss. quum dicitur; Licet per generale interdictum omnibus denegetur tam Vnctio quam Ecclesiastica sepulchra, &c. De hoc Suarez agens in §. De eadem Vndtione, aduerit primo, ne quidem iultante morte permitteat vsum tempore interdicti; quia is prohibetur maxime pro articulo pro quo Sacramentum ipsum Extremæunctionis instituitur. Ille autem est in quo mors ex graui morbo instat. Aduerit secundo, tali prohibitione comprehendit tam Clericos quam laicos: & tam Religiosos quam saeculares: quia universalissima sunt verba ante relata, omnibus denegatur tam Vnctio, &c. quæ limitare non est liberum nisi ex alio Decreto. Hoc beatum talis limitatio; aut ex adiuncta exceptione, qua-

lis in eod. Cap. Quod in te, adiuncta est: quoad sepulturam Clericorum, qui seruarunt interdictum. De quo memoratus author contra Paludanum.

SEXTVM EST; Vnam recipiendi, aut administrandi Sacramentum ordinis non esse censendum permisum tempore interdicti. Hoc citatis Panormitano, Paludanò & Couar. Suarez habet in eadem memorata sect. 1. n. 45. Rationem addens: quod nulla possit illius Sacramenti in iure fundari exceptio a generali, de quo agimus, interdicti eff. Cui priuani di participatione Sacramentorum: cuius tam aperta est negotio sine tali exceptione in Cap. Responsio §. penultimo de sentent. excommunic. & in Cap. Alma mater, §. 2. eodem titulo in 6. quæ rāmen fieri debet sicut facta sunt alia.

SEPTIMVM EST. Confare quidem, matrimonium initium tempore interdicti validum esse, cu interdictum nihil auferat quod sit de illius Sacramenti veritate sed difficultatem esse, an tunc ineatur licite. Pro cuius parte affirmante multos authores citat Thomas Sanchez lib. 7. De matrimonio diffus. 8. num. 2. adfertque pro fundamento, tum Cap. Capellanus, De fœtus, vbi habetur eam esse Romanæ Ecclesie consuetudinem, vt matrimonium quo cum tempore contrahatur. Tum quod matrimonium sit contractus quidam naturalis, cui per accidens Christus Dominus adiicit Sacramenti rationem. Sed pro parte negante Suarez in sepe memorata sect. 1. num. 51. bene vrget, ex paulo ante citatis iuribus haberi, nulla Sacraenta esse administranda tempore interdicti, certis casibus & Sacramentis exceptis. De quorum exceptorum numero si matrimonium est censendum, maxime est ob allata fundamenta. Sed ea non sufficere Suarez ipse ostendit: quia quod in Cap. Capellanus dicitur, matrimonium omni tempore contrah. hi, intelligi potest valide, etiam si illicite; aut omni tempore quidem, & licite, dummodo tamen non obstante circumstantia, hec obstante circumstantia loci & personarum, ratione interdicti localis & personalis. Deinde quod matrimonium sit contractus naturalis, non impedit in illo veram rationem Sacramenti; cum qua ratio contractus comparata minus principalis est tanquam per illam eleuta: atque aeo ab illa post se tracta. Quod sit vt eiusdem (tanquam principalioris) conditionem sequatur, ideoque in hac re iudicandum sit de matrimonio tanquam de Sacramento, potius quam vt de contractu naturali.

De sponsalibus autem, dubium non est quin & in loco interdicto, & a personis interdictis celebrari possint licite: quoniam constat talem celebrationem non esse Sacramentum neque diuinum officium: quandoquidem sponsalia ipsa sunt tantummodo contractus humanus; unde nihil est cur dicatur includi interdicto.

De benedictione vero nuptiali; quod includatur, nec licita sit tempore illius, habet multis authoribus allatis Sanchez in memorata diffus. 8. num. 10. Et probat ex eo, quod talis benedictionis sit officium diuinum. Nam est actus Sacerdotalis ordinis, cu solus Sacerdos possit sponsum & sponsam benedicere: consistitque in precibus peculiaribus ad Ecclesiastitis, atque in Missiarum solemnii. Quocirca ad illam accommodanda sunt dicenda in sequenti cap. de prohibita tempore interdicti officiorum diuinorum celebratione. Nota vero cum eodem alios citantur in sequenti nu. 19. altero tantum ex coniugibus interdicto; si interdictum sit localis, eos benedic posse extra locum ipsum interdictum, iuxta ante habita ex Cap. Si sententia, de sentent. excommunic. in 6. Sin sit personale particularis, siue viri, siue feminæ, nulli benedici posse: quia tali donec accedat absolutio personarum, cas ad instalariarum censurarum comitatur, quocumque se transferant. Sin autem sit personale generale; nec etiam benedici possunt, quando vir est qui tali interdicto subiaceat: non autem quando feminæ; que cum sortiatur forum, munera, & honores viri sui, ex lege Fœmina, ff. De fenat. & ex lege finali, Cod. De incolis, cum eo immuni ab interdicto poterit benedic, tanquam libera quoque ab interdicto: ad modum scilicet illius, qui mutatione dominij definit esse pars multiudinis per ilud interdictum.